

Nimewo 18

### **Prevansyon ak Entèvansyon kont Teworis Nasyonal**

**LÈ NOU KONSIDERE**, nan dat 14 mas 2022, yon fiziayad nan Buffalo, NY, pa yon moun ki motive pa teyori konspirasyon rasis ke li te dekouvri sou mesaj entènèt, tiye 10 moun nan makèt, mete aksan sou ijans ak enpòtans menas Eta a fè fas kont ekstremis nasyonal yo;

**LÈ NOU KONSIDERE**, ke kantite atak ekstremis lokal, arrestasyon, ak konplo yo te plis pase triple soti 2011 rive 2021, dapre Sant pou Etid Estratejik ak Entènasyonal la (Center for Strategic and International Studies), avès plis pase "38 atak tèworis sipremasi blan ak lòt atak teworis ak konplo ki pataje menm ide yo" an 2021;

**LÈ NOU KONSIDERE**, Biwo Direktè Ransèyman Nasyonal la kontinye detèmine ke ekstremis nasyonal poze yon menas elve pou Etazini;

**LÈ NOU KONSIDERE**, ekstremis nasyonal yo itilize rezo sosyo ak lòt platfòm anliy pou fè pwopagann pou enspire vyolans, rekrite, planifye, epi konspire youn ak lòt;

**LÈ NOU KONSIDERE**, ekstremis nasyonal yo kontinye fè apèl pou vyolans ki dirije kont enfrastrikti ki enpòtan; sib fasil ak rasanbleman an mas; enstitisyon relijye, tankou legliz, sinagòg, ak moske; enstitisyon edikasyon siperyè; moun diferan ras ak relijjyon; etablisman ak pèsonèl gouvènman; medya; ak moun yo pèsevwa kòm opozan ideyolojik yo;

**LÈ NOU KONSIDERE**, Depatman Sekirite Enteryè a (Department of Homeland Security, DHS) te detèmine ke Etazini rete yon nan yon anviwònman menas ki elve ki alimante pa plizyè faktè, ki enkli yon anviwònman anliy ki plen ak diskou ak teyori konspirasyon ki fo oswa ki twonpè, ak lòt move kalite enfòmasyon ki entwodwi epi / oswa ki devlope pa aktè menas etranje ak nasyonal yo;

**LÈ NOU KONSIDERE**, diskou ak teyori konspirasyon ki fo oswa ki twonpè, ak lòt move kalite enfòmasyon ki entwodwi epi / oswa ki devlope pa aktè menas etranje ak nasyonal yo;

**LÈ NOU KONSIDERE**, Biwo Envestigasyon Federal la (Federal Bureau of Investigation) ak DHS evalye ke ekstremis vyolans sispremasis vlan yo rete menas ki pi pèsistan pou atak an mas yo pam ekstremis nasyonal yo;

**LÈ NOU KONSIDERE**, yon efò kolaborasyon ki enplike Eta ak gouvènman lokal yo ak fòs lòd, ofisyèl lekòl yo, founisè swen sante ak antite prive yo nesesè pou reponn nan fason ki konplè ak menas ijan sa;

**KOUNYE A, ANKONSEKANS, MWEN MENM, KATHY HOCHUL**, Gouvènè Eta New York, konfòmeman ak otorite Konstitisyon ak lwa Eta New York te konfyé mwen, avèk dokiman sa a mwen bay lòd kòm swit:

- I. Chak konte ak Vil New York dwe fè yon verifikasyon konplè de estrateji, politik, pwosedi ak pratik aktyèl yo. Chak konte ak Vil New York dwe devlope epi kenbe yon plan pou idantifye epi konfwonte menas teworis nasyonal ki genyen ladan yo ekstremis vyolan sou plan rasyal oswa etnik. Plan sa dwe genyen ladan I opinyon fòs lòd, pwofesyonèl sante mantal, ofisyèl lekòl, ak lòt pati ki konsènen nan jiridiksyon yo epi pou yo soumèt li bay Biwo Lit kont Teworis la (Office of Counterterrorism) nan Divizyon Sekirite Teritwa ak Sèvis pou Ijans lan nan dat 31 desanm 2022 oswa anvan. Y ap itilize plan sa yo pou enfòmeu distribisyon finansman yo nan opòtinite sibvansyon alavni yo.
- II. Divizyon Sekirite Enteryè ak Sèvis Ijans lan ap tabli yon inite nan Biwo Lit kont Teworis la ki dedye pou prevni teworis nasyonal. Inite a ap responsa pou: (1) devlope pi bon pratik pou fòs lòd, pwofesyonèl sante mantal, ak ofisyèl lekòl yo abòde ogmantasyon vyolans sible, ekstremis vyolans domestik, ak ekstremis vyolans lokal; (2) devlope fòmasyon pou fòs lòd, pwofesyonèl sante mantal, ak ofisyèl lekòl yo konsyantize sou ekstremis vyolans nasyonal ak radikalizasyon; epi (3) mete anplas yon pwogram pou itilize rezo sosyo ak lòt mwayen pou fè entèvansyon kont pwoesisis radikalizasyon an. Avèk dokiman sa, li tabli ke Pwogram Jesyon Evalyasyon Menas la [Threat Assessment Management Program] ("Pwogram"), jere pa Biwo Lit kont Teworis la. Pwogram lan ap debouse finansman bay konte yo pou ede nan kreyasyon ak operasyon ekip jesyon evalyasyon menas. Ekip sa yo ap konpoze ak fòs lòd, pwofesyonèl sante mantal, ofisyèl nan lekòl yo, ak lòt pati ki konsènen ki gen chaj pou idantifye, evalye, epi diminye risk menas vyolans sible a. Yo dwe rann finansman an disponib sou fòm sibvansyon, yo ta dwe bay konte yo konfòmeman ak tout lwa ak règleman pasasyon mache ki aplikab yo.
- III. Lapolis Eta a ap tabli yon inite ki angaje nan Sant Ransèyman Eta New York lan (New York State Intelligence Center) pou swiv ekstremis nasyonal epi ogmante kontwòl rezo sosyo nan Sant Ransèyman an. Inite a ap responsab pou devlope pis ankèt ki baze sou analiz rezo sosyo ki konsantre sou aktivite ekstremis radikal ki motive menas yo lè li idantifye lokalizasyon anliy ak aktivite ki fasilité radikalizasyon sa yo epi fè pwomosyon kont ekstremis vyolan.

F È T anba siyati mwen ak So Prive Eta a nan

Vil Albany, dizwityèm jou  
nan mwa me ane de mil  
vennde sa.

SOU LÒD GOUVÈNÈ A

Sekretè Gouvènè a